

沅
湘
耆
舊
集

死相耆舊集卷第五十二

新化鄧顯鶴湘阜編輯

長沙毛國翰青垣校訂

湖湘野史易貞言

四首

貞言字內美號初軒別號湖湘野史湘鄉人著有
愛日堂詩集子五人皆知名兩舉鴻博內美先生
七歲失怙哀毀如成人葬父畢家人皆歸獨號泣
慕則百計誘之不去家人乃築廬墓旁居之服闋
哭奠如初喪督學黃仲霖先生亟賞異之弱冠卽
遭國變嘗棄兩歲兒出其祖於城中入本朝棄
巾服號湖湘野史以終事母曲盡色養以孝旌其

至行如此詩寄託深遠故國之感時露言外當與
陶郭諸老同列明代以其入本朝六十年一時
名人最爲老壽故次之國朝云

金紫峯

七十二峯湘水曲回雁爲首靈麓足獨有一峯在湘鄉金
紫映日光可燭金紫之高入青冥與衡抗禮儼分庭不就
臣列若拱揖吞吐雲霞相對青千山萬嶺兒孫列各一洞
天生面別縉流垂教已千年說法談經精禪悅石徑崎嶇
曲折行萬竿玉立竹風清竇乳泉流飛絕壁金添鎖碎玉
琮淨曳尾白鷗鳴有鹿鳥獸馴人不驚伏集掌夾轂等尋
常山中盛事忘機熟野人入山恐不深何必營懷畢向禽

嬾殘煨芋休相誘，鄴侯久絕出山心。

廬州

曲折廬州岸，揚帆歲再過。柳枯青眼少，浪老白頭多。秋色生鴻雁，斜陽戀薜蘿。唾壺休浪擊，江上有漁蓑。

冬日謀諸兒

故物青氈漫棄貧，三餘努力趁閒身。休將遇合逢時好，自許沈酣見古人。左史浮誇猶有癖，杜陵悲壯不無神。金鍼莫謂真難度，好向書城一問津。

偶興

覘北孤蹤歲月遲，龍鱗剝盡長松枝。宮前綠竹談天寶，籬下黃花老義熙。庾信漫裁枯樹賦，昌黎合詠晚香詩。不須

避世誇金馬，邁軸從知好不移。

陳隱君宏範二十二首

宏範字迺錫一字伯子，長沙人。前明諸生，慷慨負奇氣。遭世亂，常以澄清爲己任。迨入本朝，佐洪經畧，招撫黃州。山砦事訖，薦授偏沅副將，不就。引疾歸，以詩酒自娛。久之，卒。有東祝堂詩草。伯子當鼎革之際，散金結客，與陶密庵、朱子昭諸人深相結納。意欲揮魯陽之戈，挽虞淵之日。旣知事不可爲，無由深匿，又蒿目時艱，眷懷桑梓，不忍坐視。翻然一出，翩然遠引。君子可哀其志矣。密公集中有送陳伯子復下江黃詩云：愛子山居有草亭，橘煙

香細草煙暝片帆每欲凌秋漲一嘯猶能響洞庭
海內平原金已盡山中斗石酒初醒過江應語橫
空鶴坡老頽然夢未形先生出處本末畧見於此
可作小傳讀也伯子詩意境幽秀雖稍近竟陵派
而深造過之書法險勁似密翁而渾融過之余往
歲嘗攜吾宗子與先生詩蹟示人徧徵海內名流
題詠一日過伯子六世孫堯農水部本欽家見所
藏先生手書東祝堂五言近體詩一大冊神采奕
然驚歎不已因出子與墨蹟共相誇詫目爲至寶
時道州何子貞紹基在坐紀以詩所云何來塵穢
發古紙令我眯眼驚虹光陳公草堂句凌亂鄧子

方外吟淒涼者也此諄屬堯農裝潢珍藏約他日
同入貞珉以垂久遠別後時恨恨於懷不置嗣堯
農為京朝官攜之徧示朝士一時文章巨老皆有
題識而兩先生名姓遂晦而復顯今輯其詩入斯

集仍附錄諸家題詠於左不禁為之嬋媛太息也

侯官林總制則徐詩云拓戟軍門為受降功成長
揖臥湘江書生一掬滄桑淚送入吟筒健筆打五
字長城無切灰何人擊筑弔西臺將軍揖客相知
晚不救松山十萬哀歛縣程侍郎恩澤詩云招降
功竟謝征鬣自檢新篇續舊題筆陣不隨荆棘沒
過江猶見素征西明詩埽地鍾譚出誰挽頽風說
建安卻愛閉門陳正字清如郊鳥健如韓朝衣已
換洪亭九記室空嗟史道都一卷谷音留閒氣湖
湘耆舊宋遺民福州梁中丞章鉅詩云右軍之腕
杜老骨照眼後似霜前鶻不獨詞翰傳當時參佐
黃州埽因悖功成御告如魯連衡嶽極天雙突兀
瀟湘芳草今猶昔輕鷗矯翼波出沒我行道出定

王城打取寒嶺秋月善化賀中丞長齡詩云
昔對章時清力可陳賀侍御熙齡詩云落
義惘惘杜陵老高文動寥廓浩氣懸晴昊
斯人湖湘鬱奇衰摘茶陵久不作大雅跡
鍾譚輩氣象日衰摘茶陵久不作大雅跡
筆出蒿萊力挽狂瀾倒繫惟復古功誰識
桓桓洪經畧乘賦專征討江漢起風塵餘
保獨爲借箸籌功奪元戎肅長揖歸田廬
綺船白雲白卷舒清風淨炎燠徐技事詞翰
銀河濯文孫手澤珍永爲希世寶固始吳中
濟詩云湘上白雲來去開魯連一箭拂衣還
萬古翰鈴狂筆陣詩壇露一斑光黃蹕一城
山寇紛紛尙樹樊今讀先生招撫風吹落天
遺恩直黃黃侍郎僞滋詩云湖漲風吹落天
洗清干秋奇士際一笑列侯輕餘事關天授
感世平長沙舊時月圓缺古今情華亭張按
河詩云黃州招撫濟時賢知遇南安豈偶然
功成長揖去湖湘好月盡倩圓東祝堂高萬
米書杜律儘堪雄長少好補遺民傳亮節英
字中巖徵阮相國元跋云陳堯農水部出示
湘題錫先生手書詩書法似枝山香光未多讓

二卷皆五律如清茄隨意切好月盡情圓僧面來
仗色輝齊被晚煙譏晴赫儀旱皮雨細窮天故園
空白社客路走黃金空天人一影遠道月孤涼皆
名句也壽陽那侍郎舊藻跋云先生工詩賦九善
草隸此卷書法堅蒼峭秀想見其人其今體詩夏
夏獨造寄託遙深非沈酗少陵集無此意境筆力
惜全集不傳僅存殘稿堯農恐其散佚重釐爲二
卷可謂能承手澤矣其慎寶之安化陶文毅樹跋
云勝國末年楚南當兵燹之衝一時文章之士率
以節義自持埋沒不彰者多矣如馮根公陶仲調
郭些庵王而農周仲聲郭幼瑰皆名賢大手筆也
他如吳道行見可子瑜古度揚會英嘉生彭月岑
孺子張聖型于疇車以遵孝思潘應斗章辰駿首
昇平子瞿籠躍天門石之現元美季嗣先創初劉
瑄他山廖國遠孟符黃周星九煙朱慈雅愷郎楊
啟華禹心王二南放叟陳來學開之周聖楷伯孔
皆卓有才名此內惟平子議論不能悉醇伯孔以
迫脅沒於亂識者惜之其餘皆節義文士也二百
年來古光片羽所存無幾甚至有不能舉其姓名
者可嘆也茲乃復見通錫先生之詩是卷爲先生
自書東祝堂五言律稿格律蒼老於同時竟陵諸
子外自成一家書法沈著俊快超然入古不落宋

以後案曰想見其志趣不凡也詩凡四十二首其
六世孫庶吉士本欽撰手澤之溼也重裝爲二軸
廣以見示因題其後以
廣吾鄉文獻之徵云

吳穀泗以廣文歸

喜此沈沈雨送君遲遲行若爲弟兄眷乃出兒女情世味
皆如苜我生儘作萍各將年視事先後認長庚

無知上人

行慧非吾事談宗得妙傳指邊作詮解晤已狂幾先我亦
脫諸業而能說自然莫因頭點石空抱水晶眠

秋初訪友人不值

酷暑誰能犯惟君向遠征溪頭響獨聽階下月空明百尺
留清夢孤吟納野情近來蹤跡異樽酒對誰傾

同盧元捷過家叔吟淇山莊限田字二首

當道片桑梓，芸歌鬪遠田。譏晴都議早，皮雨細窺天。饋食同趨餉，祈豐各抱犇。此閒誰作社，見說有安辛。

挈旅尋幽域，盤蔬達遠阡。松聲凌絕岫，流響入平田。更酌醒還醒，繁歌妙自妍。未妨雙呂績，聊竟二疏賢。

歲癸巳八月十五夜飲長沙客寓同陶仲調朱子昭道已秋屆半瑤京碾玉盤人閒輸一作天上會重完分影鄰危合長吟何處闌束身都是檻繼照幸從寬

按是年長沙獄起密翁子昭俱牽連被逮玩詩意時獄已將解矣

旅夜露坐和高羽可八首

遠月欣相照，清光付客邊。豈因一度見，卻重幾回憐。僧而

來秋色蟲聲破晚煙不堪濁酒對起共蒯緱眠

我復何關爾無言總置之設身千里外處世兩難時白月
尋孤酌黃花憶舊籬微風欣一至歷歷已先期

羈組江天暮秋風次第深故園空白社客路走黃金老集
山妻面驚橫稚子心只今雙闔眼冷縫解誰尋

鳴雞殊未慎誤度旅行人鬼叫三更月猿吹斷渚薪寒心
期共飽羈况許誰親斟酌窮途遇迂迴歷苦辛

非是辭卮酒今知惜醉狂空天人一影遠道月孤涼見我
同梅瘦爲誰教菊黃博來清夢熟不臥祖家牀

落落成深坐悠然遠念餘天將一夕靜月令滿城虛彭澤
初耽酒武昌又賦魚已知學劍誤碌碌爲誰書

事往身看健，貧餘味可親。周旋方暱我，呼叫豈容人。蠶極
仍應倦，饑或偶真邀。來一片月，不染亮樓塵。
勞將黃鵠石，爲作旅人塵。夢落盧生後，樂尋坡老前。清笳
隨意切，好月盡情圓。搔首驚飛雁，故鄉何許天。

送羽修還里答韻

何地不相遇，安能互見心。勞驂千里駕，息舍四窗尋。東望
情偕至，南懷理獨深。鴻冥知避繫，霄漢自吹音。

鄂都同何恭遲歸棹長沙作

金日宿風

浪勁櫓翻柔，迴帆翦逆流。天光兩岸下，暮色一江收。出口
逢濤悍，經心使汗周。不辭身試險，昏夜相磯頭。

廬洲遇雨

我爲舟楫日天方霖雨時若商行止事聊示去留期占霽
家山近尋歸旅路奇從龍有真彥不怨溼霑衣

尚灘就夜

晚照斷虹明汀洲散綠英牛閒窮笛韻鶴遠絕絃情凌夜
寒方襲分秋旦始平緣蘓資釣處耐息鬪歌行

新隄觀渡

湘山一湖隔鄉望十分難蝴蝶紫衣夢鴻魚索筆端眼穿
秋月滅心醉水天寬犇影疑帆幃煙明是鴨闌

巴郡登樓

不是盈湖綠那知天際清隊霞浮綵亂遲月送波輕翠帖

山容淺紅收笛韻平樂憂誰與共消長有同情

蘆林小泊

十年避山谷而今復浪游寒蹠甯負日健翮已分秋鱸美
洵知味漁吟聽轉愁收湖尙未歇何敢駐中流

和人詠紅梅

羅浮春色見南枝領袖千紅表異姿峻節豈因風氣轉芳
姿還耐雪霜欺珊瑚樹裏寒香斷琥珀杯中瘦影窺索笑
幾番惟命酒開顏便覺醉相持

按此詩從楚詩紀採入詩紀作
陳範字迺錫蓋誤脫中一字也

郭野臣良史十六首

良史字野臣別號者齋益陽人些庵先生之子順

治初貢生有奏餘快遊稿佃香齋諸集野臣詩才
雄健不愧名父之子余輯資江耆舊集時仍明詩
綜列入明代今從湖南通志選舉表改歸國朝
與唐補石劉澹山諸先生同一例云

過洞庭

洞庭望無涯孤舟隨浪仄
達士心日空迂儒有驚色
誰謂身試非此身原不測

媿婦行

昔媿婦夜窗雨今也殊罷機
杼昔媿婦但短髮今也殊施
六筓昔媿婦恒潛身今也殊
出拜人昔媿婦出辭緩今也
殊訴夫短

朱仙鎮岳鄂王廟

鄂王自分黃龍飲誰料朱仙拔戰營信誓河山歸狴犴古
廟松柏付隨颺悲來涕淚無今古事去君臣失合并辛苜
中原諸父老壺漿虛費馬頭迎

鶴天寓

白雲去後久無期愧我相乘骨尙癡時似遼歸陵谷嘆世
俱猿化鬼神噫行何踽踽誰爲似立自亭亭若有思飛去
當年王謝燕漫因仙鳥訂相知

孤芳喋唳太悠哉過客矜傳貝嶠來粉壁乍添高士影閒
庭不埽凍雲堆松難偃蓋愁棲魄琴挂無絃伴寫哀性定
莫嗔慵與拙經營花鳥亦閒才

洞庭秋和家大人韻

肥波巨浪霎時平，湖面於今太瘦生。
寒雨一天孤雁重，朔風萬里片帆輕。
叫歌非欲傾千盞，野泊那堪睡五更。
蟋蟀不言天漏永，騷人有夢接喬瑩。

世事紛紛說謬悠，更於何處夢莊周。
乾坤自釀蕭條意，魚鳥能爲汗漫游。
十巨何人非后羿，九天此際憶靈修。
臨川處處悲東逝，試看波平水不流。

逍遙蹤跡類飄蓬，碧水遐天一色空。
楚閣雲深藏渤澥，天寒日暮守魚蟲。
數聲羌笛關山外，一部離騷風雨中。
移卻君山目無翳，瀟湘今日有愚公。

雪消春到水秋沈，淨洗蛾眉積碧濤。
宋玉悲來無字句，湘

妃怨譜沒絃琴葬身魚腹心難死
滴淚琅玕哭更深安得
同人相靜對穆然一條未來心

蠶測愚夫眼一開馮夷瀟灑傲堪杯
蕩空草木秋無著看
到滄桑水亦哀帘老巴陵仙客酒嵐穿
磊石米家堆一從
夕鳥思歸後無限離愁此際來

百川漲落小朝宗一葉聊當五嶽筇
天水有痕將玉砌乾
坤無處著雲封雁裝草草憑霜束鷗
性閒閒到水慵兩眼
如箕天地窄息吹生物一冰籠

流抵孤城始覺澤望無涯際步無缸
北來霜信同荒朔東
去雄心付大江一掌仙盤承露冷千
帆鸞影望風降白蘋
紅蓼無從觸不解愁悲滿一腔

身當縹渺意難支地軸東南亦有虧烏兔浴翻天未老蛟
龍夢穩夜何其一聲鼓柁歌漁父幾處臨風憶子皮極目
雲低波沒際蕭條情緒此中馳

白藏識氣不聞馱枉惹黃花屋裏肥帝子丹還傾汞鼎鮫
人泣滿織珠幃嵯峨孤嶽纔堪望齷齪東籬不足歸判到
大觀甯倒腹阿童時挾錦囊隨

蓐收按轡洗塵區翻倒銀河瀉一湖寒浸水深霜愈傲光
溜波淨月增癯沈杯有客飛青漢散髮何人坐覆盂砍得
杜家擎石斧湘南方許作詩逋

愁棘無端一筆芟何須存楚說亡凡雁情不似魚蝦國霜
信難封日月函渴對酒香思渺渺怕聞楚些厭喃喃從今

判作逋逃客倚杖仙人借道銜

唐袖石懋載 三首

懋載字袖石邵陽人順治朝貢生父興賢明未歲
薦爲一時儒碩袖石幼奇警博洽工詩有綠聲亭
集車孝思陶仲調諸老皆樂與之遊孝思題其集
詩有似君長吉亦卑之三十六體皆可廢之句可
以想其詩境矣惜不見全集僅存二律高情遠韻
不爲凡響可寶也袖石兄懋思以貢官公安訓導
亦能詩詞其集久佚按袖石先生父興賢字泰宇
資江耆舊集誤作興仁今正
園中寄懷修郡乘諸君子按諸君爲車孝思蔣彌少
舒若訥王稚潛劉詹山
團蕉篁影綠交沈說是深藏尙未深神錄有稽難信博遂

時官新鄭知縣流賊犯鄭殉城死最烈世稱默庵先生見明史忠義傳澹山有至性以父殉難母王早歿終身哀痛言及必流涕宗族有貧不能活者割產以贍嫁內外親孤女四人博學能文嘗與車孝思蔣彌少王稚潛唐袖石舒若訥諸君修郡志博雅簡潔非後人所及若訥殉父難死澹山與稚潛經理其身後甚至所爲文沈博浩瀚嘗見其龍山遊記洋洋數萬言敘次有法無一複沓語邵陵文獻孝思袖石稚潛理中而外殆無有逾於澹山者矣

浮雲石訪超宗禪師

負約何年始到山峯回徑轉便開顏知師不是人天至笑
我猶從泉石攀指示林崖疑幻境遙聽雞犬半人閒急隨
杖履雲邊立漫道安禪此日閑

訪陳伯是石人江上次車與三太史韻

閒看輕舟逐浪頭初春草木尙同秋連朝霞隱羣峯暗靜
夜濤驚亂水流題石正思黃魯直登高莫訝白江州我來
偶伴青鐙影頻坐元龍百尺樓

哭車孝思先生

螢蘆家學舊詞壇遺草豈同封禪看把臂竟陵齊樹幟追
蹤工部老揮翰久聞元亮稱徵士早見逢萌易挂冠搖落
眞難遺一老澤湘誰爲挽狂瀾

步韻卷五十一
曾訓導文貫 一首

文貫字子魯安化人順治朝貢生官東安訓導

秋日過石城橋

一帶幽棲賸幾家晴嵐晚弄夕陽遮坐閒談笑衣裳古醉
後支吾秦漢遐涼月在天清不寐寒蟬抱樹靜無嘩年年
愁愧主人意投轄於今興尙賒

蔣彌少大年 一首

大年字彌少邵陽人順治朝貢生性豪俠明季之
亂里魁多以意生死人彌少力爲救護入 國朝
壬辰癸巳閒郡初隸版圖瘡痍滿眼麻沸無常彌
少請於衷中丞廓宇脫鄉里於難且爲力懇免連

年荒稅以紆殘黎，疲喘蓋有功於鄉里者。詩僅得一首，寶慶府志稱其長於古體，惜不見也。

資江酬友

敢將風雨怨途泥，山色遙憐望裏迷。
放艇煙花同泛泛，懷人池草但萋萋。
怪從北地來鴻翮，肯爲東風逐馬蹏。
楚澤由來悲滯客，浮雲不散萬峯西。

左梅齋史 三首

史字梅齋，醴陵人。順治朝貢生。詩不多，亦竟陵派。湘江秋月分韻得影字。

對月泊平沙，月明舟亦靜。
洞庭氣常肅，不秋意先警。
况復月露深，此際生微省。
暮煙起野汀，迴然上層嶺。
不知何寺

鐘悠悠度松影初雁甚分明聲光忽遠屏水月淨秋容是
誰得孤領

閣夜

高閣陰先待殘霞落檻明靜能銷物累感不爲情生窗竹
搖鐙影風琴雜澗聲幾番清夢裏天籟發孤鳴

早發自臧仙嶺行濃霧中

曉起失峯秀渾然灑氣中物情皆澹泊身世亦鴻濛探石
方知徑臨巖始辨松仙家原不顯旋復隱琪宮

余陶石子錦二首

子錦字陶石辰溪人順治朝貢生有敬志堂文集

詩集辰州志陶石與米元倜劉恂劉澤長稱辰溪

四才子好吟詠善草書喜自放於山水他人所不到處摩挲殆遍又稱其古文清峭峒近柳州惜不盡傳也

鑑谿二洞詩 有引

洞無名以其地名之地之洞不一以庵與亭別之二洞皆列大道旁竟不得一顯於時然則物之裕於中而歉於外以孤高自尚者甯第茲洞歟爲作鑑谿二洞詩

鑑谿山水惡山大水不清一泓極清者入洞潛其名我來訪遠公射窗飛水聲初疑斷雲瀑詢之乃洞鳴舍聞以趨見透迤洞中行所隔幾何許山腰天削成石路苔不澀未躡已先驚崎嶇將欲至宏敞如相迎遙聽水聲外仙人吹

玉笙松影落澗碧白石沙晶晶剔薛得古字讀之不能明
洞天列仙籍莫敢與之爭豈伊一天地乃與無名并信知
無名氏深闕以儲精 鑑溪

行邁匪遊觀信美出不意事有幸不幸誠當安命義鑑谿
路中亭非可理煙翠適余坐其中聊以當芳憩清風與之
俱石氣倏而異豈料褫穢閒奇境接造次偶爾矚洞窟駭
然移觀視一折轉堂皇萬怪積胸臆奇葩鮮可摘怪石看
欲墜隙日金玲瓏流雲花嫵媚置之水竹涯性命不可易
何爲泯風塵萬古泥九闕異代俟知音吾願爲之記 鑑溪亭

羅直夫賢出 三首

賢出字直夫益陽人順治朝貢生父見義明薦歷

朝舉一早卒其母蔡撫之成立蔡江門先生以純節二字表其廬者也著有楓香亭草直夫爲文介公兄子畱心文獻好談節義其紀明季賊陷長沙益陽始末甚詳

蔡司李罵賊死節

妖星臨潭人股栗賊將迎降前屈膝公獨誓與城存亡結束弓刀虹貫日死與不死爭斯須能得死所爲真儒田橫有客願同死義重何惜尺寸膚人生亦各有懷抱可憐疾風摧勁草小人有母藉君傳得君隻字等鴻寶君不見偷生大豕草木腐惟此名節流傳千秋復萬古

賴學博冠帶斫手

臨危不苟避束帶表儒臣殉難二三子從捐千百身雖無
拳透爪猶有髮衝巾七尺鴻毛重三綱海嶽珍

溫庠士請劍免刑

米芾質其顛軾曰吾從衆有士溫太真弱而已好弄白刃
臨於前抗言猶雅諷我手不可斷微軀一以送

雷易心象乾

一首

象乾字易心零陵人順治朝貢生陳忠潔公子婿
性狷介以窮約終身弟象坤字簡叔亦有詩名早

卒

哭忠潔公

京國風霾慘欲昏孤臣抱憤復何言誰將貔虎殲殘賊獨

把心肝奉至 野薊北荒墳千古憾 天南正氣一人存 遺書
萬里勞相念 慟哭甯徒甥舅恩

邱醉石式耘一首

式耘字嘉存號醉石黔陽人康熙初貢生醉石爲
玉璫隱君之子與兄式耒式籽弟式耜皆有名於
時式籽以諸生殉國難時有自祭文譚岑止雅作
詩弔之所云遺骸應傍瀾衡冢萬古同香鸚鵡洲
者也

憶祈年二兄原性兄以諸生
抗節繫武昌獄

奉使於今已二年雁過未見落雲箋極知雄辨應難屈豈
有剛腸肯受憐棠棣庭前花黯澹春令原上羽翩翩男兒

一死無餘事看取丹心照簡編

陽孟達文燭二首

文燭字孟達一字洞如新化人康熙初貢生與弟
子威文燦齊名兄弟閉戶讀書不治生產時稱二
難

北塔松

塔影常臥松蒼龍動春蟄靈氣棲蚪枝晃搖千尺節謾護
諸天來餘物不敢褻日照女蘿衣如透窗櫺穴對此忘曉
夕不禁清思發我欲買松風吹冷炎人骨塔上有金仙笑
我分秦越百年夢未圓千里一函月膏火自相煎山木何
須伐

白雲山

世外餘人遐心愛孤致所托多雲樹能避五丁使正如
白雲山別有丹霞氣何山不白雲獨字此山異取徑得幽
尋蜿蜒亘無際數里踏風行怪泉分吼勢危崖陰伺人蕭
武忌斜睇木石春秋高薜藤簾幕費石佛喜崖棲窟中置
天地憾多士女喧山靈不藏闕何時檄白雲封石如吾意

歐子直大生 三首

大生字子直衡陽人康熙中貢生船山先生有同
歐子直劉庶先登小雲山及深秋望歐子直數詩
可想見其人品矣

湖山寺迎春

沙洲雜錄卷五十一
盈盈歸信聽江梅爲識湖山一面來客到鐘聲昨夜夢花
含林影隔年胎分陰漸惜千金價初地新飛億劫灰白雪
幾人餘古調青陽此日報香臺

瑤岡秋杪憶伯兄子萬歸信口占示哲仲姪

峒堯千步曲遙憶阮南居秋老叢開菊園荒小摘蔬怪人
珍一飯遲我贈雙魚因憶張羅外歸飛鳥自如
青楓初改葉白帝誓乘秋石出江煙瘦沙明雁跡留常時
悲作客何處賦登樓花萼愁相問香醪未寫憂

郭宜章維寰

二首

維寰字宜章武岡諸生

楓門

奇到諸峯靜楓林映日低鴉羣爭樹晚客路似雲齋落葉
紅生壑攀蘿翠自梯巉崖千里外辛苦逢蠻蹊

懷感溪潘章辰夢白

閒園秋氣清樹樹亂秋聲一別荒城日同憐多病情好峯
寒照眼涼月夜依楹遙憶高松下長吟弟與兄

歐子萬大一首

大一字子萬衡陽人子直之兄康熙中貢生

過東岡村

招尋非素友兀坐對清尊積氣生雲雨深陰覆曉昏湖懸
欹樹影石老浸苔痕倏憶身前事寒暄孰共論

將幼李常尊一首

常尊字幼李湘陰人康熙中貢生著有艾晉草幼
李爲天植先生之子趙友沂舍人壻也陶澐庵集
中有長沙雨中同郭幼隗朱子昭攜蔣郎赴趙友
沂中翰選壻卽席索和苦雨詩中四語云誰與魚
龍平霸氣欲招花鳥出愁鄉朱絃暗撥陽春曲白
面新熏秘省香指幼李也艾晉草久佚僅存近體
一首

送友人入都

送君燕市去前路正秋風九月飛霜白千林落葉紅饑寒
知俗薄志氣耐途窮話到悲歌處看君氣作虹

唐十泉時淵

二首

時淵字十泉邵陽諸生十泉有名於時與陳百是
車涵夫諸老交詩格亦老到惜不多見

同遊冰谿次韻

不知何代樹半是蔦蘿封村出高低影煙迷遠近峯忘機
魚縱壑隨意水儲春擁鼻酬高調從君一叩鐘

一 桃花洞

可是仇池古穴不茫茫元氣此中收天開堂與雨靈化人
立虛空悟幻遊花片豈經秦日月雲根或識漢春秋儘多
深處聞雞犬寄語漁郎莫覓舟

楊太素素一首

素字太素新化諸生少孤事母至孝動息不離左

右母死廬墓三年性恬澹不營生業嘗築別業曰竹塋大畧其上曰學慙爲豚望性恥作陽鱗其志趣可想好作詩今無傳本僅存七絕一首

卽目

潮滿難低石漸平
半天煙雨半天晴
漁人撥棹蘆花晚
寒渚無雲月自生

易無畫畫

一首

畫字無畫零陵人王山長有送易無畫下第還零
詩唐魏子有蔣道生易無畫罷試還永州過訪詩
蓋亦一時名流也

過桴江蓮因寺訪白上人

偶到蓮因寺因尋德士來半簾青嶂合一徑野花開樹影
連溪沒蟬聲入暮哀幽懷堪靜對此地卽香臺

邱默仙易二首

易字默先一作默仙黔陽人縣學生玉瑋隱君之
孫式耜聖公之子聖公重修月沛園藏書甚富縱
默仙博覽遂工吟詠所存詩不多近吾友黃虎癡
學博本驥與臨桂龍見田大令光甸編輯月沛園
詩鈔并繪圖製木以一冊寄示中有默仙二絕句
楚楚有致在諸邱中亦可謂不愧門風矣

月沛園春曉

燈燼簾櫳燕語時風光豔冶自支持雨中莫道春將老褪

蓋腥紅又綠枝

牙籤叢裏古風存
向曉翻書帶雨痕
我自開軒風自入
閑看新筍出頽垣

孫彝叟祺鼎一首

祺鼎字彝叟華容人
諸生華容孫氏世有文學
彝叟詩所存不多
猶不失洞庭雲夢家法

君山寺

來尋湘妃廟
遂憩君山寺
仄徑既委婉
陰崖亦殊異
龍宮遠萬壑
瑤殿闢雙髻
空朦梵日臨
掩映祇林蔽
欽宇半顏落
迴廊莽閎闊
憑虛佛榻幽
倚石禪堂邃
臺瞰軒帝遺
甃留孟公識
地遠興故饒
情高跡仍繫
落日含水曲
回雲度

湖際停橈傍漁舟張筵分爻位暮景垂星河晨曦靄蒼翠
蕭然一宿餘解纜非吾意

夏國璜 一首

國璜武岡諸生

龍潭

不知何處雨疑或有龍靈谷靜生空白江虛送晚青鐘聲
沈梵闊漁火溼沙汀但覺一天冷時聞雲氣腥

李枝茂 一首

枝茂新寧人

瀑布泉

雙峯上拂煙霞窟飛泉深倒蛟螭穴瀉落銀河破山翠寒

透疏林風亂發。鏃珠從玉無時歇。空中散作彌漫雪。怒濤
驚吼凜毛髮。時作松聲刷蒼碧。片片白雲起復滅。屑飛清
儼入毫端大筆。因之戍斗絕。

朱昌時一首

昌時武岡人一作瀏陽諸生

芙蓉山後老翁歌

山後老翁住山裏。日飯山苗飲山水。自愛林下少人煙。那
曉人間有城市。吾聞老翁不蓄畬。畬畬不免欠官租。又道
老翁屏交際。交際猶恐身將繫。樵蘇嬾爨素家風。相對天
機已渾融。只此幽閑意無盡。明日還來坐倚松。

按芙蓉山在新寧金城山之後。鄧子與先生晚年
嘗自鷲田峯徙居於此。或云此詩卽爲先生作也。

趙而方 二首

而方長沙人字履無考當是洞門尚書族子

曉起望鄰庵有感澹生

曙鐘殘月落高閣一燈明恍惚昨宵夢淒涼十載情曉光
分樹杪霜氣滿江城一自知音去高樓罷笛聲

石門天竺寺

迢迢天竺傍雲岑一派松濤萬壑陰回首石門山下路來
時不信白雲深

花湛露 二首

湛露字竹庵巴陵人仕履無考明代有花之蘭者
以貢生官縣令湛露殆其後人也

遊君山書壁

錢塘一怒捲千尺雲夢片時傾八百橫展龍宮水晶簾直

通碧落鬱蕭宅赤沙繪錦都梁香

自注赤沙湖在洞庭西

銀浦浴日

雲母射帝子哭老蒼梧秋仙人吹醒老龍魄肥汀綠影藏
花洞古井陰雲出草隙弔古書懷擬殺青讀騷命酒呼芳
澤滿山犢角飽寺僧數畝紫茸供過客隔水樓搖蜃拍浪
倚山亭寂螺分碧巫山蜀雨看沈沈吳頭楚尾長脈脈雨
工牽率走何方木奴猶帶釵痕色

初夏登岳陽樓次韻

樓倚西城宅倚樓

自注余家距樓數武

青螺雪浪眼前收琉璃全裏

天無地溟滓常蒸夏欲秋平展鮫綃供海藏雄皺水墨壓

丹邱憑闌寄嘯尋高韻吳楚東南句未酬

楊旭 二首

旭字曙庵武岡人有澹長園詩集

樂志篇

癖性愛溪山孤懷耽幽谷幸有負郭田可以供饘粥擴彼
半畝闢小構三閒屋前植兩株梅後繞一林竹松菊漸栽
培牆籬次第築花開月正上客至酒偏熟相對共歡然卽
景豁心目儘可樂餘年何用勞稼穡

偶成

喜無冠帶束幸得一身閒冒雨堪尋菊乘秋好看山倚泉
松謾謾挂壁濕潏潏老我煙霞侶長年一閉關

夏惟和 二首

惟和字萬協湘潭人

松園坐月

自注園爲君
憲世父舊業

一畝幽樓地蕭然遠却塵
逕紆容散步花發正當辰
偶坐今宵月因思舊日人
山川眞面目待我欲重新

山中避亂月夜過家園有感

戎馬環郊集藏身憾計窮
過門三徑冷訪舊四鄰空
犬吠孤山月蟲號破屋風
荒涼愁欲絕何日太平逢

沅湖耆舊集卷第五十二終

沈湘者舊集卷第五十三

新化鄧顯鶴洲臯編輯

長沙毛國翰青垣校訂

趙吉人而愷

十四首

而愷字吉人長沙人縣學生早卒著有拾霞初草
河西草吉人不見方志於洞門尙書爲族子遠近
無考要以見趙氏門才之盛也詩格調近古與友
沂並驅未易優劣

偶作

丈夫重鬢眉誰能識人意炙燕垂作鈎神龍不肯餌秦鏡
沒深淵無處鑿魍魎魅芝菌草之妖愚人指爲瑞嗟彼屈正

則行吟自顛顛舉世無一可出門隘天地買山不入深逃
名身爲累作書戒同心寶才甯世棄白囊語脈望終身空
食字蛻形竄酒國醉醒各無事

行路難

漢江深不流波濤安可測辭江入蘆溪百曲不肯直大別
在何許洪濤望楚國風雨從茲來歎無好山色杯酒醉禪
悅觀生杳無極曉夢入琳宮登臨生羽翼卜歸人事煩溽
暑百愁逼那得清風至吹我林端卽精瑩白日光陰雲翻
見蝕種瓜緣樹顛高潔不得食

訊菊

白酒侵青鐙相對不能寐我愧非幽人笑爾清香寄疏落

木無心向人不肯媚寒溫謝春秋榮萎恃天地澹然秋霜
前披離心已醉

湘水深

湘水深白日暮石嵯峨浪吞吐山魑嘯水怪怒前路難行
君且住雲樹茫茫墮煙霧零陵石燕多風雨孤帆今夜宿
何處

胡爲行

銀河炯炯夜欲秋洞庭水滿秋月浮雙鯉勸盡盤中粒玉
盃酌若君莫愁莫愁出門易饑渴莫愁行路多阻修片帆
樓下別黃鶴簫鼓橫江驚白鷗白鷗浩蕩語黃鶴空憶瀟
湘隔寒玉漢陽樹盡青山來蘆花夾岸滄浪曲一葦寒煙

折萬溪看徧潏川僧寺竹

自注先自潏川始至西陵

曉笛乍聞楊柳風

行吟踏碎莓苔綠欲探齊安赤壁好馬蹏復走黃州道未

肯猶肝累故人年少出門真草草千里萬里關與河豈期

門外卽風波心肝吐出贈知己素餐白日顏如酖若有人

兮衣薜蘿六月風吹寒更多君不見修竹化龍逝葛陂懼

多讒兮心孔悲松柏蕭蕭鴻雁遠長沙秋暮人歸晚

送友人二首

本是天涯客何須弔影孤詩書勞歲月愁病寄江湖定遠

新投筆終軍早棄繻莫將臨別淚輕染蓼花圖

握手到今日淒涼只此身秋山如客瘦曉月共誰親慘澹

憐知己窮愁託故人頻年傷遠別怕憶故園春

壬子秋下第呈同舟諸子

慚愧此江水翻疑泛海槎
焚書空憤世收淚各還家
歲月驚秋葉功名付落霞
強顏問舟子何日近長沙

甲寅五月長沙大水卽事

漂泊綠林杪纔知棟宇恩
波濤穿屋出雷雨助天奔
鳥亦棲窮木蟲虛泣斷垣
羽書方警急民瘼未遑論

齋夜無燈口占示方盧一士

月好難孤寐霜嚴出苦吟
冬心千籟肅夜氣一樓深
默念安羣動冥情息衆音
寒禽棲不定時復警疏林

衡陽夜雨

斷續空庭外淒其各有聞
簾疏聲易入竹亂響難分
已厭

嘶征馬還愁溼禁軍峯頭難去雁何處落紛紛

西陵送別范則仙之江南

蟬噪深林綠滿苔客中誰道汝能來舟車到處憐同病風
雨頻年歎不才賦就莫題鸚鵡岸詩成好上鳳皇臺別時
柳色今攀盡愁有秋聲隔樹催

奉和侯樸庵明府飄屋原韻

自注結屋湘渚九月三日爲風所飄

狂風催雨楚城西一徑黃花葬井泥石砌亂翻高士傳草
堂莫問故人題籬籬盡徹四天迴門徑無遮五嶽低習得
霜林驕客醉雙柑斗酒尙堪攜

月下梧桐

小齋欲晚四軒開樹樹蟬聲次第哀但是梧桐留夜月不

須清影上牀來

簡托雍徐芳 十四首

芳字蔚子本姓徐長沙人育於湘鄉簡氏故又從簡姓字在雍當時徐蔚子簡在雍之名最著實一人也順治末以歲貢官帶德訓導有種竹亭稿王

船山先生序行今未見各體詩見於方志選本者頗多古體才氣縱橫時多虜棘近體頗沈著然亦稍染竟陵習氣夕堂顧甚重之夕堂所與遊多肥遯苦節前朝遺老蔚子官本朝夕堂待之不少

減知其致此必有道矣豈亦有不得已於中耶

先生種竹亭稿序畧陽禽回翼地遠天孤一錢斜山陽疑非疑是江湖皆繒繳之鄉沙塞杳帛書之寄

刀兵隊裏有臆無詞生死海中當離言合蕭蕭筋
吹酒夕驚寒此蔚子所為磊落之胸哀歌河上者
也蔚子之心遠矣余與蔚子雙影相憐不禁神盡
又何足以長言耶嗚呼悲愉之情極乎壯老俯仰
之致况有滄桑矧自把臂以來莫匪銷魂之地乎
共此湘湄各有妙妙愁予之目而余少於蔚子衰
乃倍之袁伯業老而好學陸務觀取以名庵蔚子
交遊半天下存者幾也余幸而得不禁為蔚子訂
連亦何能不為蔚子勸勉與

小普陀晤郭幼隗王山長謝叔孚諸子

精舍尙如昔闔戶三四友僅見詫為奇悲歡意各有蕭蕭
香幽地花氣生戶牖滿堂寂滅情空王示臂手亂離痛未
經不忍俱開口開緘誦新詩相對凄然久禪牀明月光呼
童翦春韭

些翁補山堂歌追和陶密庵

詩品曾褒鳳闕虎人閒，那屑籬籬羽，圓闔昔披五色雲龍。
宮灑持三丈雨，一曲扁舟來鏡湖，蒼梧淼渺君山孤蓑笠。
羣鷗同上下，秋水生涯信有無，水天一色不盈咫，萬古湘
流巢父耳，獨疑眺聽無松聲，一夕層巒四壁起，高撐蘆葦
出蓮舫，移家欲入松濤裏，天地滄桑說已腐，草堂石骨天
柱補，臥遊且對嶺上雲，域中奇秀指可數，誰染此綃挂君
堂中流，屹立開天荒，東籬應見南山蒼，採芝食朮甯徬徨。

冬村卽事

白日荒遊子，青山媚舊知，寒花仍覆徑，稚柳已成絲，入坐
悲生死，相逢訴別離，淒清何所見，悵望夕陽時。

稍緩須臾，念訛聞卽開，然可憐，星在霜不定，鳥驚弦刀俎。

沈湘香齋集卷之五
羣生命輒敵萬物天怡心殊莫遣落雁滿霜田

山房書事

曲沼如宜雨荒榛亦自花荷鋤紅溼後印屐綠陰斜松響
鶯飄夢梅痕蝶散霞一廬交草樹何意羨浮槎

無才理世法乃爾肆孤鶩光氣生虛幌晴雲暗遠村滌胸
泉石重寓目古今存擁卷非狗彘寒暄不及門

章廣明將之任嵩明邀飲東門

自往借許
子羽尹若

悲秋心切更登臺湖海同人對酒杯帝里銅駝憐鳳沼漢
郊天馬重龍媒令嚴石棧孤城急嘯倚樓扉八面開東望
鄉關莫回首詔南君且藉長才

新燕

一番花事一傷神，獨自深閑獨歎春。
飛何自悟微塵，山中入幕稱賓客。
竹外衝泥問主人，猜畏不須吾自許。
出門風景遍相尋。

衡州作

江城煙靄布氤氳，絲管喧嘈兩岸紛。
嶽七十峯纔一見，粵東西路此中分。
鳴榔遠浦迴湘雨，高幄南天小岱雲。
試訪蒼翁應好在，遐蹤肯示曠年聞。

己巳人日訂業白泉庵中

幾回心跡與春期，養性精藍坐臥宜。
天結一庵雲外影，人歸諸界鳥邊窺。
再盟方丈維摩室，續構東林惠遠詩。
一拜門符成往事，首粘戒律是歸思。

雨夜飲賀兆聖先輩宅

典酣問屐卽爲歡，愁緒從君領畧寬。
僻市喧猶野境身，閒士賤亦尊官。
茗香初熟廚煙細，庭雨空濛燭影寒。
更快忘年無禮數，呼紅意滿未曾闌。

詠荷曲

朝香送遠風，月宿照清渚。
慎莫盪舟來，驚我鷗鷺侶。

贈澹姬二首

羅帶秋寬碧釧鬆，檀痕珠淚倚芙蓉。
應憐明月虛聲步，莫道遊絲繡履逢。

妬盡鶯花十四樓，背闌何意理箜篌。
相看祇取臨窗月，空有重城不鎖愁。

石迂叟嶠森 五首

嶠森字天半號迂叟湘潭縣學生迂叟一日退庵
一日賸人一日狂奴一日壺山有桐廬詩鈔迂叟
有兄曰崙森字天際古之振奇人也當康熙中吳
逆初平奉 詔蠲免丁糧而州縣徵斂如故詣闕
上書力陳湖南疾苦 仁廟改容動聽給勘合
護送回籍卒得直民困遂甦他事多類此爲忌者
所中卒死於市其詩稿未見

山居二首

和風駘蕩日臨窗
蛟蝶飛來自一雙
計節正當迎社候
呼僮又樹禁煙椿
清齋事簡看花譜
野寺閒過禮法幃
信是

仙源人罕識夜深明月照銀缸

眼底何人漆與膠胸中傀儡一時澆梁鴻有志難因熱揚
子無心自解嘲天上荒唐牛女會人間寂寞雨風巢莫從
時序傷搖落埽徑呼僮又補茅

君山

峯巒十二聳山靈萬頃波光一點青孤鶴夕陽高岼唳老
龍明月滿湖腥丹鉛已失軒轅鼎蔓草空餘帝女亭我欲
穿崖尋竹杖樵人指點說南屏

巖上竹和賜金園春山八韻之一

翠碧丹巖隱此君誰人灌溉費殷勤非圖截笛吹明月愛
有長梢聳白雲位置應從鸞鳳得品題自與菊松分茅園

湖浪士晚歲亡命遠遜不知所之其詩粗獷蕪塞
頗不入格吾友毛青垣襄校勸選一二以存其人
因覆檢視如書感云白眼忽青緣俗少素衣全黜
怯塵多洞庭秋云玻瓈碧痕隨鷺睡冰壺晶日照
魚肥又云冰除垢膩開妃鏡日射琉璃作佛鏡頗
不作常語至云澤畔姊歸因弟放蒼梧人杳怨天
崩則怨而怒矣此類甚多爲擇其稍平近者存一

首

長沙故宮

燕子何須問畫梁故宮瓦盡散鴛鴦萬春池上花俱沒三
洞山頭石自僵永巷無人吹玉笛短牆有鬼泣香囊許多

歌舞承恩寵輪與苑狐作戲場

朱伯有快先

二首

快先字伯有湘陰人仕履無考

秋夜

秋風夜相逼吹此斷腸聲
悄夢驚梧落愁思怯雁鳴
月高千嶂曉露下百蟲清
歲序何遷次勞人是五更

和楊仲丹先生草堂韻

亂山環合水侵門竹塢蕭蕭秋欲昏
蘿徑參差餘草色柴門踏澹駐雲根
頻來野鳥呼儔侶幾見寒猿領子孫
客夢依依鄉國遠西窗夜雨聽翻盆

陳國子治行

二首

治行字侶琴攸人國子監生石集未見

送李子守歸長沙

離情款款不能支江上煙波送客悲寺裏殘鐘人散後
山
時子守寓天邊細雨獨歸時當前樂事如川逝別後淒涼
澗果寺
有夢思驛路梅花隨權去不堪悵望暮雲垂

湘潭劉恭人有藏園賦詩用杜工部歸成都五首韻
索和爲作一首

此中幽興不曾闌滌硯時爲到碧湍山裏惟求栽樹訣竹
邊閑選釣魚竿詩人屢過應題句仙客能來肯授丹花史
蟲經隨手著年來用意甚艱難

陳山人履謙一首

履謙字訥庵一字大涉攸縣學生史占監軍五聚
子史占遜居好客游道日廣訥庵繼之有田二頃
日典質以供賓客自稱天放山人亦一時之小平
原也訥庵著述甚富縣志稱其有集一百二十卷
今佚

太白酒樓

高視無低眉濶步無紆行誰能對如宦委曲學逢迎人生
快意耳功名安足榮試看江樓上猶聞勸酒聲

蔡魏若來徵一首

來徵字魏若攸人康熙初貢生有月麓堂集十卷
王山長浮槎集中有復蔡魏若書頗相推挹殆亦

一時名流今其集久佚止從選本採入一首其云
鸞棲亦攸詩人姓陳名梧有集未見

首夏登石龍峯次鸞棲韻

貪游拋卻釣魚磯且跨乖龍閣翠微地僻松能逃世劫
危雲欲上人衣遠山拂檻峯千疊古剎穿林竹一圍
底事塵緣猶未斷斜陽一騎又催歸

蔣歲貢本厚四首

本厚零陵人康熙初貢生本生之兄有落月堂集
高堂觀九折坂

僧靜有別裁開闢此閒路割來嵩少雲規作疑嶺步置我
嶙峋間十步九迴顧身與飛鳥翔勢似懸猿度笑語落幽

整冷然振林樹寒泉投松去下與積石遇
豁飭如大敵搏激生嗔怒我來一延佇皎皎若披素會當老此中招彼白雲住

朝陽巖次韻

半山江上浮垂流枕巉石欲尋元柳蹤高逸疑無跡瀟水傍崖清村煙籠郭白劔壁步前人翠珉眞可惜

讀忠潔公遺書

血誠落落十行字尙想掀髯執筆時爲誓此身殉社稷空緘餘淚寄親知霜天秋老寒泉重燕路魂歸故國遲信有芳名光汗簡獨難揮盡友朋悲

東鄉橋柳

和煙和雨一溪搖
蕙暮亭亭立板橋
昨夜羽書東下急
纔經戎馬便蕭條

張布衣鎮一首

鎮平江人

園林雜詠

白人深山少俗因
終朝利首不冠巾
廢書豈爲遵秦政
揮麈何關學晉人
風雨幾添新涕淚
詩文饒有舊精神
軒窗高廠塵難到
長日陰森不似春

鄧布衣承祖一首

承祖字蘭蔚
汝人家貧事親篤
孝力舉五弟之喪
撫孤姪皆有恩
以布衣教授衡湘間
著述甚富韻

語非所留意也今存近體一首

遊司空山

煙嵐深處卽仙家
流水鳴琴一徑賒
珠樹猶棲千歲鶴
碧桃仍放六朝花
苔侵丹竈鏽全蝕
雲拂星壇石半斜
閑說當時冲舉事
笑看天際起朱霞

金簡二首

簡字夢錫衡陽人仕履無考

贈可山元猷上人

開士幽棲處
蕭疏屋數椽
鼻香花供養
懷澹竹因緣
白髮無他事
青山到處禪
巖頭應自悔
空費娶妻錢

晚步

斜陽山色晚離離竹杖相隨步免欹
絕芙蓉亭外畫興殘楊柳澗邊詩倩梳
短髮風無力藉照孤懷月可期擬補
移文封谷口鐘聲不覺過林陂

胡曷一首

曷字影柔湘潭人

唐公嘯先生來城不值書此以寄

武陵仙人迴絕塵不知有漢不知秦
騎驢偶出花源路飼鶴旋回洞口春
行處但傳詩律細別來那共酒杯頻
似聞體髮仍如舊可戴華陽道士巾

蔣本昌二首

本昌零陵人

沈州書有身 卷第五十三
冬日同陳參山王拙庵字臣弟遊澹巖

歲晏霜林薄閑遊共此心
拂苔摩石頂倚杖讀碑陰翠結
巖邊屋煙生竹外岑茶香僧話別
一路野雲深

宿福仙巖同故友夜話

野庵斜枕石峻嶒一宿談心
仗友朋除卻亂離無別語相
逢那不憾填膺

陳確二首

確字釋思長沙人

黃鶴樓聽友人吹笛樓中題額有天下江山第一樓
此米海岳句也

輞口詩人鶴渚遊酒酣逸興橫滄洲憑將梅柳無雙管吹

向江山第一樓隔岸雲峯生
澹澹遠天帆影去悠悠青蓮
漫道無佳句萬古荒涼鸚鵡洲

將往廬陵月夜乘醉登西城與友人別

疏星遙與女牆連萬瓦如鱗一片煙
人語寂時才覺夜江流盡處欲無天
亂山合沓雲奔馬古澗噲吟樹響泉已約
扁舟泛空碧離觴偏是月將圓

雷象豫一首

象豫零陵人字履無考意象乾羣從也

哭陳忠潔公

五十年來百鍊身那堪氛祲甚黃巾
盈廷空有三千士殉節纔聞廿一臣
生旣秉靈參嶽麓死當騎尾列星辰
至今

風雨殘春夕碧血猶疑泣鬼神

白鼎允一首

鼎允零陵人字履無考

讀陳忠潔公遺書二紙感賦

家書一紙古銘箴絕筆琅琅寫赤心如此文章真典重可知志念最深沈雲沙萬里沈湘魄風雨三更叫楚音千古英雄悲憤在耶堪搔首一長吟

蔡上寬二首

上寬攸人同時有蔡上藹者字如春以廩生應聘爲嶽麓山長有志遊詩集未見

遊隱真巖

爲覓棲真所因扶訪道節逕荒梁代草門老晉時松入壑
霞光浸穿巖日影通真人何處去過耳一聲鐘

看山歸老眼出谷響孤筇送客亭無鶴迎仙路有松乾坤
雲竇秘今古石門通煙駕返何日遙聽曉報鐘

鄧士綸一首

士綸字九錫攸人

遊隱真巖

何年鬼斧鑿山洞竟日雲扃鎖寂寥野老依稀談往事殘
碑彷彿認前朝花能按溼無須紀鶴解馴人不用招輪與
老僧聞領畧焚香趺坐閱昏朝

李宗仙一首

宗仙字小白寧鄉人

上兵憲祖公時將南歸

汾水雲吹湘水清作霖湖嶽徧蒼生長沙痛哭關憂樂彭
澤歸來自性情掌上春招桃李樹耳邊風蕭雁鴻聲袞衣
一夜思東土莫遣雙鳧滯帝京

田慶年二首

慶年字文社本溪州人世爲容美司宣慰使族裔
仕履無考

雨後聞鐘

自注時
容鄂渚

蕭蕭暮雨無停竭紙帳初垂鐙未滅何處清鐘半夜敲
人入耳鳴先結聞聲非止一人愁天涯那得無離別

黃鶴磯頭九日作

萬里秋風九日來，干戈載道此登臺。
故園秭在清江畔，不識黃花開未開。